

ՀՈՂԱՅԻՆ ՀԱՐՅՐ ԵՎ ԳՅՈՒՂԱՑԻՈՒԹՅԱՆ ԳՐՈՒԹՅՈՒՆԸ
ՀԱՅԱՍՏԱՆՈՒՄ 1917—1920 թթ.¹

Վ. Ա. ՄԻՔԱՅԵԼՅԱՆ

Փետրվարյան ռևոլյուցիան չուժեց ագրարային-գյուղացիական հարցը: 1917 թվականի մարտին ստեղծված Անդրկովկասյան հատուկ կոմիտեն ապրիլի 12-ի իր կառավարական հայտարարությամբ երկրամասի բնակչությանը զգուշացնում էր, որ ագրարային հարցի լուծումը հետաձգվում է Սահմանադիր ժողովի գումարմանը և անթույլատրելի է համարվում «ուրիշի սեփականության բռնազրավումը, արքունական թե կալվածատիրական անտառների կտրատումը և բոլոր անասկի բռնություններն ու ինքնակամ գործողությունները», և պահանջում է առաջվա նման ժամանակին վճարել բոլոր հին «հարկերն ու տուրքերը»²:

Աշխատավոր գյուղացին կրկին մնաց ենթակա նախկին չինովնիկների ու պաշտոնյաների կամայականություններին, որովհետև Փետրվարյան ռևոլյուցիայից հետո նրանք հիմնականում շարունակեցին մնալ իշխանության տեղական օրգաններում: Այդ տեսակետից գրությունը փաստորեն չփոխեց Հատուկ կոմիտեի կողմից 1917 թ. ապրիլի 24-ին ընդունված «Անդրկովկասի սահմաններում տեղական իշխանություն կազմակերպելու մասին» օրենքը, որի համաձայն պետք է ընտրվեին այսպես կոչված գյուղական գործադիր կոմիտեներ: Իրականում ոչ մի ընտրություն տեղի չունեցավ: Կալվածատերերը, կուլակներն ու գյուղական հարուստները՝ գործակցած նախկին պաշտոնյաների հետ, օգտագործելով իրենց նյութական նպաստավոր գրությունը, գրեթե ամենուրեք բուն գրեցին իշխանության տեղական օրգաններում: Պետական ու պարտական արխիվներում, ինչպես նաև ժամանակի պարբերական մամուլում պահպանվել են բազմաթիվ տեղեկություններ, որոնք ականառու վկայում են «ընտրությունների» կեղծ-գեմոկրատական բնույթը, դրանց զավեշտական պատկերը: Ուշագրավ է, օրինակ, Նրևվանի գործադիր կոմիտեն ուղղված մի զեկուցագիր, որ հայտնվում էր, թե Նրևանի նահանգի գրությունը ցարի տապալումից հետո ոչնչով չի փոխվել, որ գյուղական ավագները ոչ թե ընտրյալներ են, այլ պրիստավների ու հաշտարար դատավորների դրածոներ, որոնց «հասարակությունը ատում է մահից ավելի»³: Իսկ Գառնիբասարից գրում էին, որ «շրջանի գյուղական և հասարակական գործադիր կոմիտեներում ընտրվում են միայն ոստիկաններն ու կուլակները... երեկվա կաշառակերը, ցեցը, կուլակը և ավագը այսօր ոչ միայն գործադիր կոմիտեի անդամ է, այլև կոմիտար (մի օրվա ընթացքում միապետականից դարձավ ռևոլյուցիոներ)»⁴: Ընտրախաղի նույն պատկերն էր նկարագրում Մեծ Ղարաբլիխայից «Кавказский рабочий» թերթին ուղարկված մի թղթակցություն, որը զետեղված է թերթի 160-րդ համարում: Այս թղթակցությունը նույնպես վկայում է, որ Փետրվարյան ռևոլյուցիայից հետո գյուղական պաշտոններում մնացել էին առևտրականները, խառնվածքայինները, հարուստները, դորաներն ու

¹ Այս հոդվածում մենք նպատակ ենք դրել համառոտակի լուսաբանել հողային հարցը և գյուղացիության դրությունը Հայաստանում 1917—1920 թվականներին, այսինքն ցույց տալ այն հիմքը, որի վրա այդ տարիներին ծագել ու ծավալվել են գյուղացիական զանգվածների ընդվզումներն ու պայքարը: Սակայն վերջին հարցին մենք այստեղ չենք անդրադառնում, օպերա ինչպես նշեցինք, մեր նպատակը առայժմ գյուղացիության վիճակի ուսումնասիրությունն է:

² Վրաց. ՍՍՌ Հոկ. ռևոլյուցիայի ԿՊԱ, ֆ. 41, գ. 122, թ. 1:

³ ՍՄԿՊ ԿԿ-ին կից Մարքսիզմ-լենինիզմի ինստիտուտի Հայկ. ֆիլիալի արխիվ, ֆ. 33, գ. 517, թ. 13:

⁴ Նույն տեղում:

կուլակները: Հողվածագիրը փաստարկելով այդ, այնուհետև փորձում է բացատրել, թե ինչու «ընտրությունները» այդպիսի արդյունքներ են տվել: Այդ բացատրությունները ցույց են տալիս, որ շրջանի գյուղերում բնություն իրականում տեղի չի ունեցել: Թղթակիցը հայտնում է, որ «ընտրությունները» կատարվել են այնպիսի օրերին, երբ զբաղված լինելով դաշտային աշխատանքներով՝ գյուղացիները չեն կարողացել մասնակցել «ընտրական» ժողովներին: Իսկ լիազորները ուշադրություն անգամ չեն դարձրել այդ հանգամանքին, «որովհետև նահանգական ու գավառային լիազորներին Անդրկովկասյան հատուկ կոմիտեի կողմից կարգադրված է եղել, որպեսզի նրանք շտապեն, արագ ավարտեն բնությունները: Եվ ինչ,— հայտնում էր թղթակիցը,— միայն մի ղեկավար (լիազոր—Վ. Մ.) մի օրվա բնթացքում բնություններ է անցկացրել 5—6 գյուղերում՝ 9—10 դատարկապորտ և ապահովված «քաղաքաբիրներ» մասնակցությամբ՝ յուրաքանչյուր գյուղում միջինը 200—300 բնտրողի փոխարեն»¹:

«Բնություններին» նմանօրինակ անցկացմանը, իհարկե, անգիտակ չէր Հատուկ կոմիտեն: Ավելին, այդ ղեկավարատախաղը տեղի է ունենում նրա անմիջական հրահանգի հիման վրա, հրահանգ, որը ոտնակոխ էր անում գյուղերում գործադիր կոմիտեներ բնտրելու վերաբերյալ նույնիսկ ապրիլի 24-ին բնդրված կիսատ-պռատ օրենքը: Այդ հրահանգը «ընտրություն» օրինական էր համարում, եթե գյուղական համայնքի ժողովին (որը և իրավասու էր բնտրելու գործադիր կոմիտե) մասնակցել էր բնտրողների 15 տոկոսը»:

Ամբաստանելով շահագործողների քաղաքական դիրքերը, ժամանակավոր կառավարությունը, ինչպես և նրա կամակատար Անդրկովկասյան հատուկ կոմիտեն չէին մոռանում հող տանել նաև նրանց սոցիալական փորձաքննությունը անխախտ պահպանելու մասին: Հողի և գյուղացիական ալյեայի հարցերի վերաբերյալ նրանց բնդրված բոլոր օրենքների, որոշումների և հրահանգների էությունը եղել է գյուղացիական ելույթների խափանումն ու կալվածատերերի և կուլակների հողասեփականության պահպանումը: 1917 թ. մարտի 26-ին Անդրկովկասյան հատուկ կոմիտեն գյուղացիական ելույթների ճնշման տակ ստեղծում է Հողային գործերի ժամանակավոր հանձնաժողով՝ «պարտավորեցնելով» նրան «ճորտատիրական իրավունքի մնացուկների վերացման նախապատրաստումը և հենց դրանց վերացման համար միջոցառումների բնդրումը»: Սա գյուղացիական մասսաներին խաբելու այն քայլերից էր, որոնց, ինչպես կտեսնենք ստորև, դիմում էին ժամանակավոր կառավարությունն ու Հատուկ կոմիտեն, կանգնելով ազդարարային շարժումների պատենշին դեմահանդիման: Եվ իրոք, այդ հանձնաժողովը, ինչպես և հունիսին ստեղծված Հողային կոմիտեն, գյուղացիությանը ոչինչ չտվին՝ բացի նախազգուշացումներից և ահաբեկումներից:

Ճորտատիրության մնացուկների վերացման մասին մարտի 26-ին ղեմագործիա բարձրացնող Հատուկ կոմիտեն մեկ ամիս անց՝ ապրիլի 23-ին, հրահանգ է բնդրում ազդարարային շարժումների դեմ, շարժումներ, որոնց նպատակը օրյեկտիվորեն ճորտատիրական այդ մնացուկների հիմքի՝ կալվածատիրական հողատիրության վերացումն էր: Հատուկ կոմիտեն կառավարական այդ հրահանգով արգելում է ազդարարային ելույթները, երկրամասի գյուղացիությունից պահանջելով դադարեցնել կալվածատիրական հողերի բռնադրավումները: Հրահանգը անթույլատրելի էր համարում «շահագրգռված բնակչության կողմից... Հողային հարցի ինքնակամ լուծումը» և նախազգուշացնում, որ կալվածատիրական հողերի ամեն մի բռնադրավում պատժվելու է «օրենքի ամբողջ ուժով»²:

Հողային հարցի լուծումը հրահանգը թողնում էր Սահմանադիր ժողովի դումարմանը: Սահմանադիր ժողովին սպասելու պատրվակը ժամանակավոր կառավարության և Հատուկ կոմիտեի կողմից օգտագործվում էր աշխատավոր մասսաներին հուզող հարցերի լուծումը ձգձգելու, վերջիններին՝ ռեյուցիցիոն պայքարը խափանելու համար:

Հավասարապես այդպես էր «լուծում» հողային հարցը նաև Անդրկովկասյան հատուկ կոմիտեի կողմից հունիսի 21-ին բնդրված «Անդրկովկասյան երկրամասում երկրային և տեղական հողային կոմիտեների մասին կանոնադրությունը»: Կանոնադրության մեջ շարադրված խնդիրներից իսկ երևում է, որ ստեղծվող երկրային հողային կոմիտեն ի վիճակի չէր շոշափելի փոփոխություն մտցնելու սակավահող և հողազուրկ գյուղացիների դրության մեջ: Եվ ահա թե ինչու Ազդարարային հարցում հիմնականը այն է, թե իշխանության այս կամ այն օրդանր հողային ինչ հարաբերությունների, այսինքն հողային սեփականության ինչ ձևի պահպանման

¹ «Кавказский рабочий», 1917, № 160:

² Նույն տեղում:

³ Վրաց. ՍՍՏՀ Հոկ. ռեյուցիցիայի ԿՊԱ, ֆ. 1472, գ. 315, թ. 1:

կողմնակից է: Այդ տեսակետից մոտենալով հարցին՝ պետք է ընդգծել, որ հիշյալ կանոնադրությունը, շնայած նրանում նշված խոստումներին, ակնարկ անգամ չէր անում կալվածատիրական հողատիրության վերացման մասին: Կանոնադրության 15-րդ հոդվածը հողային հարցի լուծումը դարձյալ հետաձգում էր Սահմանադիր ժողովին, իսկ Երկրային հողային կոմիտեի պարտականությունն էր համարում վերահսկողության ֆունկցիայի իրականացումը՝ հիմնարկներին և առանձին անձանց պատկանող պետական հողերի օգտագործման նկատմամբ, ինչպես և այն հողերի նկատմամբ, որոնք ժողովրդա-տնտեսական նկատառումներով պիտի վերցվեին հողատերերի ձեռքից կամ վերջիններիս կողմից կամովին կհանձնվեին «պետության տրամադրության տակ»¹: Թե որոնք էին «ժողովրդա-տնտեսական նկատառումները», հայտնի չէր: Նույնքան անորոշ էր նաև, թե այդ «նկատառումները» որ հողատերերի նկատմամբ էին կիրառելի և որոնց՝ ոչ: Մշուշապատ այս նախադասությունը, սակայն, կարիք չունի տարբեր մեկնաբանությունների, որովհետև այնտեղ ոչ մի խոսք չկար հողի կալվածատիրական սեփականության վերացման մասին:

Ավելի զավեշտական էր և նույնքան էլ անմիտ նախադասության երկրորդ մասը, որով Հատուկ կոմիտեն «կարծում էր», թե կգտնվեն մասնավոր հողատերեր, որոնք իրենց հողերը կամովին կդնեն պետության տրամադրության տակ: Այնուհետև, հողային կոմիտեների խնդիրն էր ոչ թե ճորտատիրական մնացուկների վերացումը, այլ դրանց «վերադրման նախապատրաստումը»²: Մի խոստով, որ մասնաներին մոլորեցնելու համար իր գոյությունը սկզբից ևևթ Հատուկ կոմիտեն չէր զլանում տալ:

Վերևից ստեղծվող հողային կոմիտեները ըստ էության կոչված էին պաշտպանելու հողատերերի շահերը: Դա ավելի բացահայտ երևում է «կանոնադրության» մասնավոր այն մասից, որտեղ թվարկվում են նահանգական և գավառական հողային կոմիտեների պարտականությունները: Հողային կոմիտեները պարտավոր էին նաև հողային վիճելի հարցերը լուծելու համար կազմակերպել «հաշտարար հանձնաժողովներ»³: Հատուկ կոմիտեի նպատակը պարզից էլ պարզ էր: Հողային վիճերը տեղի էին ունենում առավելապես հողատերերի և գյուղացիների միջև, և այդ վիճելի հարցերը «հաշտարար հանձնաժողովներով» «լուծելը», իհարկե, լուծում չէր: Բայց դա ինքնին վկայում է, որ Հատուկ կոմիտեն մտադրություն չունեւր վերացնելու կալվածատիրական հողատիրությունը, իսկ վերևից ստեղծվող «հաշտարար հանձնաժողովները», որոնց մեջ մտնում էին կալվածատերերի և բեկերի ներկայացուցիչները, ձգտում էին հաշտեցնել խոշոր հողատիրոջն ու նրա դեմ ծառացած գյուղացիական հողագործի և սակավահող զանգվածներին:

1917 թ. հուլիսին ճնշելով Պետրոգրադի բանվորների խաղաղ ցույցը, ժամանակավոր կառավարությունը հարձակման է անցնում նաև հողային հարցը ռեուլյուցիոն ճանապարհով լուծող գյուղացիների վրա: Հուլիսի 12-ին նա ընդունում է օրենք, որը սպառնում է «օրենքի ամբողջ խստությամբ» հետապնդել ու պատժել ագրարային շարժման մասնակիցներին⁴:

Նույն ահաբեկիչ ոգով երկրամասի բնակչությանն է դիմում Հատուկ կոմիտեն, պահանջելով դադարեցնել մասնատիրական հողերի բռնագրավումները: Այդ դիմումը հետաքրքրական է նրանով, որ այն բովանդակում էր կառավարական խոստովանություն՝ Փետրվարյան ռեուլյուցիայից հետո երկրամասում ծայր առած ագրարային-գյուղացիական ելույթների լայն թափի մասին⁵: Գյուղացիական ելույթները ճնշելու նպատակով Հատուկ կոմիտեն, բացի ահաբեկումներից, դիմում էր նաև զինված ուժի օգնության: Երևանի նահանգում «խաղաղություն պահպանելու» (իմա՝ ռեուլյուցիոն շարժումները ճնշելու) համար Հատուկ կոմիտեն այնտեղ պահում էր պատժիչ զորամաս, որի հրամանատարն էր փոխգնդապետ Վոլնիցկին⁶:

Խոշոր հողատերերի և գյուղացիական զանգվածների միջև հարաբերությունները երկրամասում, այդ թվում նաև Հայաստանում, սրվել էին նաև բահրան վճարելու կապակցությամբ: Բահրան, խոշոր մասնատիրական հողատիրության հետ կապված ճորտատիրական այդ մնացուկը, Փետրվարյան ռեուլյուցիայից հետո էլ շարունակվում էր պահպանվել նախկին չափերով: Տառացիորեն այդ էր խոստովանում, օրինակ, Հատուկ կոմիտեի լիազորը Բորչալուի գավառից

¹ Վրաց. ՍՍՌ-ի Հոկ. ռեուլյուցիայի ԿՊԱ, ֆ. 1471, գ. 599, թ. 9—12:

² Նույն տեղում:

³ Նույն տեղում, գ. 594, թ. 12—13:

⁴ Նույն տեղում, գ. 587, թ. 246:

⁵ Նույն տեղում, ֆ. 41, գ. 122:

⁶ Նույն տեղում, ֆ. 1472, գ. 382, թ. 90:

ուղարկած ղեկուցագրում: Ձեկատի ունենալով,— գրում էր նա,— որ գյուղացիների ու կալվածատերերի՝ ի դեմս նրանց կառավարիչների, միջև հարաբերությունը սպառնալից բնույթ է ընդունում բերքի $\frac{1}{4}$ — $\frac{1}{3}$ -ը բաժար ստանալու կապակցությամբ, մի վճար, որը ճորտատիրական մնացորդ է և որը... վեր է գյուղացիության ուժերից, խնդրում եմ կիրառել արտակարգ միջոցներ... որպեսզի խուսափվի այն, երբեմն արյունալի բնդհարումներից, որոնք սակավ չեն ոչ միայն Բորչալուի գավառում, այլև ամբողջ Անդրկովկասում»¹:

Ինչ էր հետևում հողատերերի պաշտպանի այս խոստովանությունից: Առաջինը այն, որ կալվածատերերի և գյուղացիների միջև գոյություն ունեին սուր հակասություններ, որոնց հիմքը տնտեսական էր (կալվածատիրական հողատիրության պահպանումը և դրանից հետևող կապալային ու կիսաճորտատիրական բոլոր պայմանները): Երկրորդ, որ Փետրվարյան ռևոլյուցիայից հետո էլ բաժրան նախկինի նման մնում էր իբրև ծանր մի բևեռ գյուղացիության վզին և երրորդ, որ առյուծալի ընդհանրումները (իմա՝ գյուղացիական զինված ելույթները) հաճախակի էին ոչ միայն Բորչալուի գավառում, այլև ամբողջ Անդրկովկասում: Վերջին հանգամանքը, որ ընդգծեցինք, պատահական չէր: Տնտեսական ծանր պայմանները, հողային հին, կիսաֆեոդալական հարաբերությունները պահպանվել էին Անդրկովկասի բոլոր շրջաններում, և տնտեսական ծանր վիճակի այդ ընդհանրությունն էլ առաջ էր բերել բնդհանուր մի շարժում, որը անսրբոլ խոստովանում էր նույնիսկ կառավարության պաշտոնատար անձը:

Բնամթերային վճարումներից գյուղացիների հրաժարվելու կապակցությամբ Հատուկ կոմիտեն դիմում է խորամանկ քայլի, օգոստոսի 29-ին ընդունելով օրենք բնամթերային վարձավճարը դրամականով փոխարինելու մասին: Այդ որոշման համաձայն գյուղացին հողատիրոջը պետք է տար բերքի $\frac{1}{4}$ -ի փոխարեն՝ $\frac{1}{5}$ -ը, իսկ $\frac{1}{5}$ -ի փոխարեն՝ $\frac{1}{6}$ -ը և այլն, բայց «մեկ տասնորդականից ոչ ցածր»²: Այս որոշումը չէր կարող քիչ թե շատ շոշափելի փոփոխություն մտցնել գյուղացու տնտեսական վիճակի մեջ, որովհետև 1) վարձավճարի այդպիսի «իջեցումը» չնչին արժեք ուներ աղքատ ու սակավահող գյուղացու համար և 2) բնամթերային վճարումների փոխարինումը դրամականով ուներ սոսկ ձևական նշանակություն, քանի որ կալվածատիրոջ հասանելիք մթերքները դրամի էին վերածվելու նահանգական կոմիտեների որոշմամբ, իսկ այդ կոմիտեներում նստած էին հողատերերն ու նրանց պաշտպանները:

Այսպիսով, Փետրվարյան ռևոլյուցիայից հետո էլ հողային հարցը չլուծվեց, և ինչպես ամբողջ երկրի, այնպես էլ Հայաստանի աշխատավոր գյուղացիությունը շարունակեց մնալ սակավահողության և հողագրկության ճիրաններում՝ կալվածատիրական բռնություններին ենթակա: Անդրկովկասում դրույթունը չփոխվեց նաև Հոկտեմբերյան ռևոլյուցիայից հետո, երբ մենշևիկները, դաշնակները և մուսավաթականները երկրամասն անջատեցին Սովետական Ռուսաստանից, աշխատավոր մասսաներին զրկելով տեղում մեծ ռևոլյուցիայի նվաճումների, այդ թվում նաև լենինյան հողային ղեկնախի իրականացման հնարավորությունից:

Սակայն, չնայած գործադրվող ռեպրեսիաներին, ագրարային շարժումը մասնավորապես 1917 թ. հոկտեմբեր—նոյեմբեր ամիսներին ընդգրկում է Անդրկովկասի, այդ թվում Հայաստանի, շատ շրջաններ: Ենթադրվում է մասնավորապես ուժեղ էր Ելիզավետպոլի և Բորչալուի գավառներում, ինչպես նաև Երևանի նահանգի մի շարք գյուղերում: Այդ առիթով էլ Անդրկովկասյան կոմիտարիատը 1917 թ. դեկտեմբերի 16-ին ստիպված ընդունում է «Կանոնադրություն արքունական, նախկին ուղեւային, եկեղեցական, վանքապատկան, իրավական անձերի և խոշոր մասնատիրական հողերը հողային կոմիտեներին հանձնելու մասին»: Դեկտեմբերի 8-ին, այդ օրենքի նախագիծը քննարկելիս, մինիստր Շ. Վ. Ալեքսեև-Մեսխիլը, հակաճառելով Խ. Բ. Խառո-Մահմեդովին, ասաց, որ կոմիտարիատը ստիպված է ընդունել նման կանոնադրություն: «Մենք կարծում ենք,— ասաց նա,— որ եթե չձեռնարկենք այդ քայլը, ագրարային շարժումը կհասնի աղետների»³:

Կանոնադրությունը, ինչպես և պետք էր սպասել, չլուծեց հողային հարցը: Պահպանելով հողի մասնավոր սեփականությունը, կանոնադրությունը կալվածատիրական հողերի բռնադրավումը կրկին թողնում էր Սահմանադիր ժողովին: Եթե ընդունենք, որ կատարվելու էր որոշ հողերի բռնագրավում (որպիսին չկատարվեց), ապա այդ հողերը կանցնեին ոչ թե գյուղացիական ռևոլյուցիոն կոմիտեներին, այլ անցյալ դարի 60-ական թվականների նման կալվածատիրական կոմիտեների ձեռքը: Կանոնադրությունը ոչինչ չէր ասում, թե ինչպիսի և ինչ հողեր պետք

¹ Վրաց. ՍՍԽՀ Նոկ. Ռևոլյուցիայի ԿՊԱ, գ. 122:

² Նույն տեղում, ֆ. 56, ցուցակ 6, գ. 1142, թ. 3—4:

³ Նույն տեղում, ֆ. 41Ը, գ. 141, թ. 135:

է բռնագրավվեան հողատերերից: Մերկացնելով այդ օրենքի հակադատական բնույթը, Սո. Շուտմանը գրում էր. «... այդ օրենքով կալվածատիրական հողատիրությունն այս կամ այն պատճառով աշխուժանալով պահպանվում է, իսկ մնացյալ հողերը հանձնվում են ոչ թե գյուղացիական կոմիտեների, այլ ինչ-որ վերին նշանակված՝ հողային կոմիտեների տնօրինությանը: Դուրս է դալիս, որ հողային, այսինքն գյուղացիական հարցի լուծումը կատարում են ոչ թե իրենք գյուղացիները, ինչպես այդ պետք էր սպասել, այլ ինչ-որ ուրիշ կազմակերպություններ, ինչպես այդ տեղի ունեւ ճորտատիրական իրավունքի վերացման ժամանակ, երբ գյուղացիների բախտը որոշում էին ոչ թե գյուղացիական, այլ սպեկուլանտական կոմիտեները, այսինքն, ուրիշ խոսքով ասած՝ ճորտատերերն ու ստրկատերերը»¹:

Շուտով, կանոնադրությունն ընդունելուց մի քանի օր հետո, առավել պարզվում է, որ այդ օրենքը նույնիսկ իր կալվածատիրական բնույթով հանդերձ, աշխույժություն էր, Դեկտեմբերի վերջերին Անդրկովկասյան կոմիտարիատը, ընդհանջ դնելով կալվածատերերի շահերին, ընդունում է մի որոշում, որը գյուղացիներին պարտավորեցնում էր իրենց տերերին վճարել վարձակալական և բոլոր այլ տեսակի վճարումները, տուրքերն ու պայտերը, այն էլ 1916 թվականի ճորտատիրական դրույթներով:

Գյուղացիության տնտեսական պայմանները ազելի էին ծանրանում Անդրկովկասյան կոմիտարիատի կողմից պարբերաբար կազմակերպվող բռնագրավումների պատճառով: Այսպես, երևանի նահանգի գյուղերում 1917 թ. վերջին ամիսներին և 1918 թ. հունվարին կոմիտարիատը դաշնակցական պաշտոնյաների միջոցով անցկացնում է բրնձի ու ձիերի բռնագրավման կամպանիա: Բրնձի պաշարները գյուղացիներից վերցնելու համար հրամայվում է գյուղերում փակել զինգերը², իսկ գեներալ Սիլիկովը հրաման է արձակում ձիերը թաքցնողներին երեք ամսով բանտարկել և ձիերը բռնագրավել: Սակայն գյուղացիները մասսայաբար հրաժարվում են իշխանության լիազորներին բրնձ և ձիեր արամադրել:

1918 թվականի մարտի 7-ին, ի լրացումն 1917 թ. դեկտեմբերի 16-ի կանոնադրության, Անդրկովկասյան Սեյմը ընդունում է օրենք «Հողատերերին թողնվող հողի չափը որոշելու և հողային ունեւ իրականացնելու միջոցառումների մասին»: «Օրենքով» իրք թե բոլոր մասնատիրական հողերը, բացառությամբ 2-րդ հոդվածում նշված տարածությունների, պետք է կազմեն հողային մի ֆոնդ, որը գտնվելու էր երկրային և նահանգական կոմիտեների տրամադրության տակ: 2-րդ հոդվածը նախատեսում էր լրատ խմբերի հողատերերին թողնել հողեր հետևյալ չափերով. ա) 7 դեսյատին, եթե հողերը գտնվում են տնտեսական արժեքավոր կուլտուրաների շրջանում, բ) 15 դեսյատին՝ հացահատիկային և գ) 40 դեսյատին՝ առավելապես անասնապահական շրջաններում³:

Նախ նշենք, որ «օրենքն» ընդունելուց հետո իր երկու և կես ամսյա գոյության ընթացքում Սեյմը գործնական ոչ մի բայլ չարեց այն իրականացնելու համար, թեև նրա կենսագործումն էլ էական բարելավում էր մտցնի գյուղացու ծանր վիճակում: «Օրենքում» խոսք անգամ չկար հողի մասնավոր սեփականության վերացման մասին, իսկ բռնագրավվելի հողերը հանձնվելու էին ոչ թե սակավահող և հողազուրկ գյուղացիներին, այլ Սեյմի նշանակված «գործին հմուտ» և «խրազեկ» բուրժուա-կալվածատիրական հողային կոմիտեներին, որոնք տնօրինելու էին դրանք: Մյուս կողմից, օրենքի 2-րդ հոդվածն ու դրան կից ծանոթությունը լայն սոցիալական թողնում հողային կոմիտեներին՝ բոլոր տեսակի մեքենայությունների համար և հնարավորություն՝ «օրինականորեն» պաշտպանելու հողատերերի շահերը: Կոմիտեները, օրինակ, հնարավորություն ունեւին «ա» խմբի շրջանները ներկայացնել իբրեւ «բ» կամ «գ» և համապատասխանաբար ավելացնել հողապիրոջը թողնվելի հողերի քանակը: Բացի դրանից, 2-րդ հոդվածի ծանոթությունը հողային կոմիտեներին իրավունք էր վերապահում ճանաչված տեղական պայմաններին՝ ավելացնել հողատերերին թողնվող հողերի քանակը, ընդ որում «ա» խմբի շրջաններում կարելի էր ավելացնել 10 դեսյատին ևս, «բ» խմբում՝ 20 և «գ» խմբի շրջաններում՝ 50 դեսյատին⁴: Այս նշանակում էր, որ նույնիսկ «օրենքի» իրագործման ղեկարում նախկին հողատերերը չէին կորցնելու իրենց տնտեսական գերիշխող դիրքերը և շարունակելու էին գյուղացիական մասսաների շահագործումը:

¹ Ս. Գ. Շուտման, Ընտիր երկեր, Նրեան, 1948, էջ 532:

² Հայկ. ՍՍՌ ԿՊԱ, ֆ. 39/103, գ. 108, թ. 10:

³ ՍՍԿՊ ԿԻ-ին կից Մարքսիզմ-լենինիզմի ինստիտուտի Վրաց. ֆիլիալի արխիվ, ֆ. 2, գ. 236, թ. 138—139:

⁴ Նույն տեղում:



Պայքարելով սեփականության մասնատման դեմ և երկրամասն անջատելով Սովետական Ռուսաստանից, Անդրկովկասյան կոմիտեի անդամները ու Սևյամ գործնական պայքար չկազմակերպեցին թուրքական օկուպանտների դեմ, որոնք առաջ շարժվելով՝ անխնայ կոտորում էին հայ ազգաբնակչությանը։ Թուրքական օկուպացիայի հետևանքով բաշխվեց Հայաստանի շատ շրջանների գյուղատնտեսությունը, թուրքական յաթաղանի ղոհը դարձան տասնյակ հազարավոր հայ ղեղջուկներ ու ղեղջկուհիներ, բաղադրացիներ, բաղմահազար հայեր գերեզմանների և բլուրների թուրքիայի խորքերը՝ սամանակիր աշխատանքի Արգահանում, օրինակ, թուրքերի կատարած զազանությունների մասին «Մշակ» գրում էր. «Գեղեցիկ կանանց տանում էին թուրք պարագլուխների մոտ։ Մոնեթիկը կոչ էր անում թաքնվածներին դուրս գալ Սարսուցներից։ Դուրս եկան 35 մարդ, որոնց իսկույն սրախողիտող արին։ Առաջին օրը կարողացան թափել 700 մարդ, որոնց դիակները հավաքեցին փողոցներից։ Սպանվածների ընդհանուր թիվը հասնում է 2000-ի»¹։ Թուրքական օկուպանտների հայաջինջ գործողությունները հրեշավոր կերպարան էին ընդունել։ Զբաղարարված 1915 թվականին կատարած ջարդով, նրանք այժմ որոշել էին վերջնական հաշիվ տեսնել կենդանի մնացած հայերի հետ։ «Թուրքերի վերադարձը Տրապիզոն նշանավորվել է կոտորածների նոր ակտերով։ Հաղորդում էր ֆրանսիական ռազմին 1918 թ. մարտին։— Թուրքների քաշվելուց հետո հազարավոր մարդիկ զնդակահարվել են կամ աչքվել։ Հայերը եմթարկվել են անկարագրելի տանջանքների, երկտանքների լցրել են պարկերը և ծով են նետել։ Մերերին և կանանց խաշել են և խոշտանգել, բոլոր երիտասարդ աղջիկներին ու երիտասարդ կանանց թուրքերը տարել են»²։

Կոտորածն առավել մեծ չափեր ընդունեց Այերսանդրոպոլի և Ղարաբաղի սալի գավառներում, ուր, բացի տեղացիներից, կոտորվել էր հսկայական թվով հայ զաղթականություն։ «Ընդհանուր առմամբ Ղարաբաղի սալի շրջակայքում զնդակահարված են մի քանի հազար մարդ. բանի ճիշտ թիվը պարզելու հնարավորություն չկա,— կարդում ենք ժամանակի փաստաթղթերից մեկում,— պետք է կարծել, որ այդ թիվը 3000-ից պակաս չէ, թեև ոման հասցնում էին 7000-ի (Այս թիվ մեջ չեն մտնում սպանված տեղացիները՝ թվով 1470 հոգի)։... Լուսանակարները միանգամայն պարզում են, թե ինչ ձևով են կատարվել սպանությունները— բոլոր ղոհները կապկալված են միմյանց թուրքերով... Նոյն են դեպքեր, երբ բոլոր տղամարդկանց դուրս են քշել գյուղից և կանանց բռնաբարել»³։ Այսպիսով երկիրը զրկվում էր աշխատավոր ձեռքերից, մշակելի հողերը դառնում էին խոպան։ Միայն Շիրակի և Փամբակի գյուղերից էր դրում բլուրներ 8000 ղեղջիկներ⁴։

Հսկայական էր թուրքական զորքերի հասցրած տնտեսական վնասը։ Թուրքական բանակը, մանավանդ հեծելազորը, տրորում և փշացնում էր նորածիլ արտերը, գրավում և մորթոտում էր անասունները, հրկիզում խոտի ղեղերն ու տները։ Միմիայն Փամբակի շրջանի գյուղերից թուրքական օկուպանտները տարան 24,303 գլուխ խոշոր եղջերավոր անասուն, 96,704 գլուխ ոչխար, 4718 ձի, 6296 գութան և արոր, 527,927 փով ալյուր և այլն⁵։

1918 թվականի մայիսի 26-ին Անդրկովկասյան Սևյամ քաջաշիջ և ստեղծվեցին Հայաստանում՝ զաշնակցական, Վրաստանում՝ մենշևիկյան և Ադրբեյջանում՝ մուսավաթական կառավարությունները։



Դառնով իշխանության գլուխ, զաշնակցական սրբաբան ամբողջությամբ պահպանեց ժամանակավոր կառավարության, Անդրկովկասյան հատուկ կոմիտեի, Անդրկովկասյան կոմիտեի և Սևյամի որոշումները և օրենքները։ «Հայաստանի հանրապետության համար պարտադիր են բոլոր այն օրենքները, որոնք հրատարակված են Ռուսաստանի կառավարության, Անդրկովկասյան կոմիտեի և Անդրկովկասյան Սևյամի կողմից»⁶,— ասված էր 1918 թ. դեկտեմբերին զաշնակցական խորհրդարանի ընդունած որոշումներից մեկում։ Դաշնակցական կառավարությունը պահպանեց ու սրբազորեց մասնավոր հողատիրությունը, պահպանեց կանգնեց կալվածատերերի շահերին։ «Հողային սեփականությունը սրբություն է, ոչ ոք իրավունք

¹ «Մշակ», 1918, № 67։

² J. Lepsius, Deutschland und Armenien, Potsdam, 1919, էջ 383։

³ Հայկ. ՍՍՌ ԿՊԱ, ֆ. 202, գ. 1271, թ. 47։

⁴ Նույն տեղում։

⁵ Նույն տեղում, թ. 49—50։

⁶ «Զանգ», 1918, № 81։

չունի կալվածատիրոջը դիպելը»¹, — հայտարարում էր դաշնակցական կառավարությունը: «Քանի դեռ չի մտցված կյանքի մեջ հողերի համայնացման օրենքը, — հրահանգվում էր դաշնակցական Մինիստրների խորհրդի որոշումներից մեկում, — ընդունել կալվածատերերի իրավունքն իրենց հողերի վերաբերմամբ և համաձայնության գալով տերերի ու կապալառուների հետ, վերականգնել կալվածատերերի իրավունքը»²:

Նվ մեծ չափով հողային տարածություններ դաշնակների օրոք շարունակեցին մնալ խոշոր հողատերեր խանագովների, Արամյանցի, Արզուկյանի, Քալանթարյանների (Լոռու), Մելիք-Աղամալյանների (Կոտայքում), Եղիազարյանների, Ջալալովների, Խան-Մակինսկու (Աշտարակում), Ծատուրովների (Ախտալում), Աֆրիկյանների (Նոր Բայազետում) և ուրիշների ձեռքին:

Հայտնի է, որ պաշտոնական տվյալներով ցարիզմի տիրապետության ժամանակ Հայաստանի 600 հազար հեկտար վարելահողերի կեսը պատկանում էր կալվածատերերին, կուլակներին և եկեղեցուն, իսկ նույնքան էլ բաժին էր ընկնում գյուղացիական տնտեսությունների 95 տոկոսը կազմող չքավոր և միջակ տնտեսություններին: 144 հազար խոտհարքից 100.000 հեկտարը պատկանում էր կալվածատերերին ու պետությանը³: Առաջին համաշխարհային պատերազմի նախօրյակին Հայաստանում կատարված 343,7 հազ. հեկտար ցանքային 205,7 հազ. հեկտար, կամ 60 տոկոսը, բաժին էր ընկնում կալվածատերերին, կուլակներին և վանքին, իսկ 153 հազար չքավոր և միջակ տնտեսություններին՝ 138 հազար հեկտար ցանքա, այսինքն ամեն մի տնտեսությանը՝ մեկ հեկտարից էլ պակաս⁴:

Դաշնակները ամբողջությամբ պահպանեցին բուրժուա-կալվածատիրական հողային այս հարաբերությունները: Ավելին, դաշնակցությունը ստեղծեց խոշոր հողատերերի նոր, յուրահատուկ մի շերտ, որն առաջացավ գյուղացիության լավագույն հողերը բռնագրավելու, մասնավորապես նախկին պետական հողերի վրա ապրող գյուղական համայնքների հողերը կրճատելու և աղբրեջանական մի շարք գյուղերի տեղահանման հաշվին: Այդ նոր հողատերերը դաշնակցական մինիստրներն էին, պառլամենտի անդամները, տեղական և բարձրաստիճան ալլ պաշտոնյաներ: Ըստ էության հողատերեր էին դարձել, օրինակ, պառլամենտի անդամներ Հ. Տերաբեյյանը, Ս. Գրիգորյանը, Վարվառե Սահակյանը, Պերճուհի Բարսեղյանը, Ս. Սաֆարյանը, Լ. Պետրոսյանը, Վ. Նավասարդյանը և ուրիշներ⁵:

Իր հակաաշխատավորական քաղաքականությամբ դաշնակցական կառավարությունը նպաստում էր գյուղում կուլակության տնտեսական ու քաղաքական դիրքերի ամրապնդմանը: Հաճախ գյուղացիներից խլվում էին ռեպրեսիոն ճանապարհով գրաված հողերը և դրանք վերադարձվում իրենց նախկին տերերին՝ կուլակներին ու կալվածատերերին: Այսպես, 1919 թ. գարնանը Լոռվա Կուրթան և Վարդաբլուր գյուղերի հասարակությունից վերցվեցին և խանագովին տրվեցին գյուղացիների կողմից ինքնակամ կերպով ցանված հողերը: Այդպես վերականգնվեց նաև Իջևանի անտառապետի իրավունքը «Դանադուռ» կոչվող հողամասի վրա, որի պատճառով Ալաշու գյուղի հասարակության կեսը զրկվեց հողից⁶:

Դաշնակցության օրոք ավելի արագացավ գյուղացիական զանգվածների աղբյուրացման և հողաղրկման ընթացքը: Թուրքական ագրեսիայի և դաշնակների հակառակորդական քաղաքականության հետևանքով սովի ու աղքատության մատնված գյուղացին հաճախ ստիպված էր լինում ամենաչնչին գներով կուլակին և ունեւորներին վաճառել իր ունեցվածքը, ընդհուպ մինչև նորածին արտերը: Դա լայն հնարավորություն էր բացում կուլակների համար իրենց ճանկը գցելու գյուղացիների լավագույն վարելահողերն ու այգիները: Ահա այդ վկայող մի րանի փաստաթղթեր: 1919 թ. փետրվարի 3-ին Ճաթղուան գյուղից հայտնում էին, թե սովից «աղատվելու համար գյուղացին շատ չնչին գներով ծախում է տունը, կահկորասին, ապրանքը, հողերը և նույնիսկ նորածին արտերը: Ինչ խոսք, որ անխիղճ կուլակները օգտվում են և ծծում ժողովրդի ամբողջ հարստությունը»⁷: Նույն թվականի հունիսին Մոլլա-Բայազետ գյուղից

¹ «Լոռվա գյուղացիության ձայն», 1920, № 2:

² Հ. Թումանյան, Սովետական իշխանության հաստատումը Հայաստանում, Հայկ. ՍՍԻ ԳԱ Տեղեկագիր, 1946, № 11 — 12:

³ Նույն տեղում:

⁴ Ա. Մարտիրոսյան, Գյուղացիության դրությունը նախասովետական Հայաստանում (1900—1920), Երևան, 1948, էջ 17:

⁵ «Առաջին մասսայական ռեպրեսիոն շարժումները Հայաստանում» (նյութեր և փաստաթղթեր), Երևան, 1932, էջ 110:

⁶ Հայկ. ՍՍԻ ԿՊԱ, ֆ. 203, գ. 600, թ. 20:

⁷ «Զանգ», 1919, № 21:

գրում էին, որ գյուղում եղած 60 խալվար ցորենի ցանքսերից «45 խալվարի կեսը ծախված է: Գնել են տեղացի կուլակները», իսկ Սարգարարադ գյուղից (այժմ ք. Հոկտեմբերյան — Վ. Մ.) գրում էին, թե գյուղի ընդամենը 150 խալվար ցանքսից «100-ը ծախված է»¹: Վաղարշապատի շրջանի Մուղանջուղ գյուղի բնակիչները էջմիածնի համայնական վարչությանը բողոքում էին, որ համագյուղացի կուլակ նավասարդյանը չնչին գներով վերցրել է իրենց լավագույն հողերն ու այգիները, իրենց գրկելով ապրուստի միջոցներից²: Ապարանի շրջանի Ղազնաֆար գյուղից տեղեկացնում էին, որ գյուղի կուլակները 1919 թ. բռնի կերպով ցանել են գյուղի ամառանոցի հողերը և մտադիր են 1920 թ. ևս օգտվել դրանցից, ուստի և համաձայն չեն այդ հողերը գյուղացիներին բաժանել³:

Հողերը կուլակության ձեռքում կենտրոնացնելուն առավել նպաստեց 1920 թ. դաշնակների կողմից անցկացված, այսպես կոչված, «Հողաբաժնությունը», որով կառավարությունը ուզում էր մի կողմից, «Հողաբաժնություն» անվան տակ խաբել գյուղի աշխատավոր մասնակներին, իսկ մյուս կողմից, փաստորեն ավելի ամրապնդել հողատերերի դիրքերը, որովհետև կալվածատիրական, եկեղեցապատկան և խոշոր մասնատիրական մյուս հողերը բաժանման ենթակա չէին. բաժանվում էին միայն համայնական հողերը⁴:

«Հողաբաժնությունը» թե իր ձևով և թե բովանդակությամբ կեղծ էր ու անհավասար: Այն անցկացվում էր ոչ թե համաձայն ամբողջ Հայաստանում եղած հողային ֆոնդի, այլ ըստ առանձին գյուղերի համայնքների հողերի: Ուստի և տարբեր գյուղերում մեկ շնչին հասանելի հողաբաժինը տարբեր էր: Այն ժամանակ, երբ էջմիածնի գավառի Վերին խաթունարի գյուղում շնչաբաժինը հասնելու էր 30 լիտրի⁵, նույն գավառի Գրամֆա գյուղում այն պետք է հավասար լիներ 20-ի, Մուղանջուղում՝ 12-ի, Սեֆնաուղում՝ 8-ի, Աղավնատում՝ 5 լիտրի⁶ և այլն: Այլ կերպ չէր կարող լինել, որովհետև ամեն մի համայնքի օգտագործման տակ եղած հողաբանակը կախված չէր նրանում եղած բնակչության թվից: Իսկ «Հողաբաժնություն» անհավասար էր ոչ միայն առանձին համայնքները համեմատելիս, այլև հատկապես սոցիալական տարբեր խավերին հասնող բաժնի տեսակետից: Իրականում Վ. խաթունարիսի աղքատ գյուղացին չստացավ 30 լիտր շնչաբաժին և ոչ էլ համագյուղացի կուլակը բավարարվեց դրանով:

Անցկացրած «Հողաբաժնությունը» (իսկ այն անցկացվեց էջմիածնի, Ապարանի և Աշտարակի շրջանների մի շարք գյուղերում) ավելի վատթարացրեց չքավոր գյուղացիների վիճակը և ընդարձակեց գյուղական հարուստների հողերը: 1920 թ. մայիսի 31-ին Ապարանի շրջանի Ղազնաֆար գյուղից բողոքում էին, որ «Հողաբաժնությունից» հետո «վարելահողերը կրկին մնացել են ամբողջ գյուղի կուլակներին, իսկ գյուղի մեծ մասը կրկին ղրկվել է կամ չնչին հողամասեր է ստացել, այն էլ հարուստների թողած վատ հողերից»⁷: Կարբի գյուղից տեղեկացնում էին, թե հողաբաժան վերջիններ (ի դեպ, ինչպես վկայում են գյուղացիների գրած բազմաթիվ համախոսականներ, վերջիններ գրեթե բոլոր գյուղերում եղել են գյուղական զորքաները կամ նրանց ազգականները) յուրացրել են գյուղի ամենաբերրի և պտղատու հողերը, իսկ «գյուղական խաղաղ և աղքատ դասակարգը զրկվեց պետական հողերից»⁸: Փարաբարցիները 1920 թ. հունիսի 14-ին իրենց համախոսականում հայտնում էին, որ հողաբաժնությունը ոչ միայն օգուտ չի տվել, այլ ավելի է վատթարացրել իրենց դրուժյունը, որովհետև լավագույն հողերը գյուղացիներից կտրել և տվել են հարուստներին և կուլակներին⁹: Կարբի է բերել գյուղացիների կողմից գրված բազմաթիվ այլ բողոքի համախոսականներ, որոնք ցույց են տալիս, որ այդ «Հողաբաժնությունը» բխել է դաշնակցական կառավարության հակաօգյուղացիական ագրարային քաղաքականությունից, հանդիսանալով նրա անբաժանելի մասը:

1919 թ. հունիսին, պառլամենտի «բնտրությունների» նախօրյակին, դաշնակները դիմում են գյուղացիական մասսաներին խաբելու հայտնի մեթոդին: Նրանք վերականգնացնում են Անդրկովկասյան Սեյմի կողմից 1918 թ. մարտի 7-ին քննարկված հողային օրենքը: Սակայն

¹ «Արարատյան աշխատավոր», 1919, № 9.

² Հայկ. ՍՍՌ ԿՊԱ, ֆ. 214, գ. 5 բ, թ. 237, 238 և 240.

³ Նույն տեղում, ֆ. 203, գ. 313, թ. 110.

⁴ Նույն տեղում, ֆ. 214, գ. 5 բ, թ. 579.

⁵ 1 լիտրը հավասար է 227 րառ. մտ.

⁶ Հայկ. ՍՍՌ ԿՊԱ, ֆ. 214, գ. 34, թ. 12.

⁷ Նույն տեղում, ֆ. 214, գ. 34, թ. 12.

⁸ Նույն տեղում, թ. 539.

⁹ Նույն տեղում, թ. 113—114.

այս օրերը ևս չէր վերացնում հողի մասնավոր սեփականությունը, իսկ «բռնագրավվելի» հողերը հանձնելու էր «Հողային կոմիտեներին», որ նստած էին հարուստների պաշտպաններն ու ներկայացուցիչները: «Օրենքը» հողատերերին թողնում էր բավականին մեծ չափի հողեր մինչև 40 դեսյատին: Սեյմում ընդունած օրենքի նման սա ևս հողային կոմիտեներին լիազորում էր «կալվածատերերին թողնվելիք հողվածում որոշ հողարածիներին չափ բարձրացնել տեղային պայմաններին համաձայն»:

Իրականում դաշնակցական կառավարությունը գործնական ոչ մի քայլ չարեց նույնիսկ այդ «օրենքի» իրականացման ուղղությամբ, իսկ հողային կոմիտեներում նստած դաշնակ «ռեֆորմատորներին» գլխավոր գրադուները եղան շարաշահությունները: Էջմիածնի գավառի հողային կոմիտեի գործունեության մասին դաշնակցական միևնույն ժամանակ մեկը, օրինակ, գրում էր. «Էջմիածնի գավառի հողային կոմիտեն, որ պիտի գրավեր ագնավականության հողերը, լսմանիմար գրության մեջ է. ունեցել է մեկ նիստ, այն էլ գրամական ավանտներ ստանալու մասին: Էջմիածնի գավառում կան 32 կալվածքներ, ոչ մեկը չի գրավված: ... Կոմիտեի նախագահ Հովսեփ Հարությունյանը, որը միաժամանակ պետական գույքերի վարչության ներկայացուցիչն է, վառելափայտի ապօրինի գրավում է կատարում և ապա փրկներ ստանալով ազատվում»¹: Այսպես կոչված հողային կոմիտեների ձևական գոյության և Հայաստանում գոյություն ունեցող հողագրկության մասին ստիպված էր խոստովանել նույնիսկ դաշնակցական կառավարության պարագլուխ Հ. Օհանջանյանը 1920 թ. հունիսի 4-ին պառլամենտի նիստում սրած իր տխրահռչակ հայտարարությամբ. «Ընդհանուր զեղոհության (Մալխոյան ապստամբության—Վ. Մ.) պատճառներից մեկը,— ասաց նա,— կարելի է համարել նաև հողագրկությունը: Թեպետ մենք ունենք հողային կոմիտեներ, բայց նրանց գործունեությունը որևէ արդյունք չի տվել»²:

Հենց նույն օրը Հ. Օհանջանյանի կառավարությունը ընդունում է օրենք «Հողային հատուկ մարմինների մասին», որոնք պետք է փոխարինեին նախկին հողային կոմիտեներին: Մալխոյան շարժումների ճնշման տակ ընդունված այս օրենքը, չնայած հողերի «պետականացման» մասին ներառում պարունակվող խոստումներին, լրիվ ուժի մեջ էր թողնում Անդրկովկասյան կոմիտարիատի, Սեյմի և դաշնակցական պառլամենտի ընդունած բոլոր հողային օրենքները և դրանով էլ հենց, բոտ էության, պահպանում գոյություն ունեցող հողային հարաբերությունները: «Իրենց գործունեության ընթացքում հողային հատուկ մարմինները ղեկավարվելու են Անդրկովկասյան կոմիտարիատի և Սեյմի ու Հայաստանի խորհրդարանի և պառլամենտի հրատարակված օրենքներով»³:



Դաշնակցական կառավարությունը գյուղում դարձ տվեց կապալային հարաբերությունների զարգացմանը: Կապալով էր տրվում այսպես կոչված պետական հողային ֆոնդը, որ կազմվել էր աղբյուրական գյուղերի «մարման» և հայ գյուղական համայնքների հողերի կրճատման հաշվին: Կապալատուն ինքը դաշնակցական պետություն էր, իսկ կապալառուները՝ կուլակներն ու տնտեսապես զորեղ գյուղացիները, որոնք հնարավորություն ունեին վճարել կապալագինը և մշակել վարձակալած հողերը: Սակավահող, հողագուրկ, արտագրության միջոցներից և գործիքներից համարյա զրկված գյուղացին, որը չէր կարող մշակել նույնիսկ իր փոքրիկ հողակտորը, պարզ է, որ ի վիճակի չէր հողեր վարձակալելու: Արխիվային բոլոր փաստաթղթերը համոզեցուցիչ կերպով ապացուցում են այդ: Դաշնակցական կառավարության ավայններով 1920 թվականի օգոստոսին Էջմիածնի շրջանում լուրաքանչյուր կապալառուի վարձակալած հողը ամենապակասը հավասար էր 70 դեսյատին⁴: Պարզ է, որ նույնիսկ միջակ գյուղացին չէր կարող նախ այդքան հողի կապալագինը վճարել, և երկրորդ, որն առավել կարևոր է, այդ հողամասը մշակել: Բայց պարզ է նաև այն, որ այդքան հողեր մշակելու համար կապալառուն պետք է դիմեր կողմնակի ուժի օգտագործման, այսինքն աշխատավոր գյուղացիներին վարձակալելու և նրանց շահագործելու մեթոդին:

Ձգալի չափով հողեր էին վարձակալել Աշտարակի, Էջմիածնի, Ալեքսանդրոպոլի և այլ

¹ «Հասուջ», 1920, № 5:

² «Ժողովուրդ», 1920, № 92:

³ Նույն տեղում:

⁴ Հայկ. ՍՍԽ ԿՊԱ, ֆ. 199, դ. 181, թ. 29:

չբաժանելու կուլակներն ու հարուստները Այսպես, մի քանի կուլակների կապալով էին արվել էջմիածնի գավառի Իզգալու, Մոլլա-Բազալ, Քյարիմարի գյուղերի հողերը¹։ Ահապիս հողեր վարձակալել էին երևանի գավառի Ճատղաան գյուղի կուլակները²։ Նույն գավառի նովո-նիկոլական գյուղի կուլակները 1919 թ. դարնանք վարձակալել էին 808 գետնատին հողամասեր³։

Կուլակների կողմից կապալառուներ էին երբեք կապալագին չտվող խմբապետներն ու մատակարարները, դաշնակցական պարագլուխներից կազմված գյուղատնտեսական կեղծ բնիկ-րությունները։ Վերջիններս, որպես կանոն, կազմված էին լինում պառլամենտի անդամներից, միևնույններից, գյուղի և երկրագործության նկատմամբ ընդհանուր ոչինչ չունեցող դաշնակցական պաշտոնյաներից։ Դրանք բուրժուական ձեռնարկութիւններ էին, որոնք իրենց ճանկը գցելով հեղափոխական վարկյալներ և ալիքներ, գյուղացիութիւնը շահագործելու ճանապարհով դարձել էին դաշնակցական պաշտոնյաների եկամտի աղբյուրներից մեկը։ Նշված բնիկ-րութիւններից էին «Մուրճը», «Մաճկար», «Տնտեսութիւնը», «Կուլտուրական կայսրիան» և ուրիշներ։ Միայն «Տնտեսութիւնը» իր ընդամենը ութ անդամներով 1920 թ. դարնանք տիրանում է աղբյուրական Արարբեյու գյուղի հողերին՝ տարածութիւնը 640 գետնատին⁴։ «Կուլտուրական կայսրիան» բնիկ-րութիւնը, որի մեջ էին մտնում դաշնակ պարագլուխներ Կ. Սառուին, Վ. Նավասարդյանը, Ս. Գրիգորյանը և ուրիշներ, Արշակ Ղազարյանի գլխավորութիւնով, տիրացել էր Չարախի և հարեան մյուս գյուղերի հողերին։ Բողոքելով նրանց դեմ, Սուրմալուի Ալի-Կըլի գյուղից փախած գաղթականները գրում էին, որ գոյութիւն ունեցող մյուս բնիկ-րութիւնների նման սա ես մի խմբակցութիւն և, որին մասնակցում են երկրի օրենսդրական մարմնի մի քանի անդամներ, որպիսին է հանրապետութիւն պառլամենտը, որը միշտ էլ Հայաստանը է «հողը աղբատ ժողովրդին», սակայն այդ օրենսդրական մարմնի անդամներն այսօր խլում են հողը աշխատավոր ժողովրդից»⁵։

Գյուղացիութիւնն փոխ ծանր լուծ էր դաշնակների հարկային քաղաքականութիւնը։ Դաշնակցական կառավարութիւնը ոչ միայն պահպանեց նախկին հարկային սխառմը, այլև արեւ հարստացրեց բազմաթիւ նոր հարկերով։ Գյուղացիութիւն կողմից վճարվող հարկերն էին բաժնային տուրք, հողային գեմատվական հարկը, ազգական հարկը, հատուկ հողային տուրքը և այլ հարկեր⁶։ «Լոռվա գյուղացիութիւն ձայն» թերթը «Մեր տուրքերի սխառմը» վերնագրով հողվածում նշում էր հարկերի ավելի քան 14 տեսակներ։ Դրանք էին. օդարաշի, միանվագ տուրք շնչի համար, վարկահողի տուրք, խոտհարքի տուրք, դադափուլի, փայտի փող և այլն⁷։

Միմիայն հողերից գանձվող հարկը, համաձայն դաշնակցական կառավարութիւն 1920 թ. հուլիսին ընդունած օրենքի, հավասար էր բերրի 16 տոկոսին։ Բայց հողի դիմաց գյուղացին պարտավոր էր վճարել նաև հարկ աչուկու կողմից ինքնավարութիւններին։ Այդ հարկը նույնպէս կազմում էր բերրի պատկանելի մասը։ Էջմիածնի գավառում, օրինակ, գավառական ինքնավարութիւնը գյուղացիների կողմից վճարվող հողային տուրքը հավասար էր բերրի 10 տոկոսին⁸։

Հարկերն ամբողջութիւնով ծանրացած էին գյուղացիական չքավոր ու միջակ տնտեսութիւնների վրա։ «Այսօր աղբատը շատ ավելի է խարջ տալիս, քան երեկ և հարուստը շատ ավելի քիչ, քան տալիս էր երեկ», — գրում էր «Լոռվա գյուղացիութիւն ձայն» թերթը⁹։

Գյուղացիութիւնն փնտրում էր ծանրանում դաշնակ հարկահանների կամաւորականութիւնների և կաշառակերութիւն պատճառով։ Դաշնակցական թերթով «Ջանգն» անգամ չի կարողանում թաքցնել, որ հարկահանները «լինելով գյուղի աղբուկներից ու աղղեցիկներից... գյուղից հավաքում են ավելի շատ ցորեն, քան նշանակված է, սրանից-նրանից կաշառք են ստանում»¹⁰։

¹ Հայկ. ՍՍՌ ԿՊԱ, ֆ. 214, գ. 5ա, թ. 293։

² Նույն տեղում, թ. 203, գ. 317, թ. 2։

³ Նույն տեղում, թ. 4։

⁴ Հայկ. ՍՍՌ ԿՊԱ, ֆ. 203, գ. 317², թ. 84։

⁵ Նույն տեղում, թ. 78։

⁶ Նույն տեղում, թ. 13։

⁷ «Լոռվա գյուղացիութիւն ձայն», 1920, N 2։

⁸ Հայկ. ՍՍՌ ԿՊԱ, ֆ. 214, գ. 19, թ. 12։

⁹ «Լոռվա գյուղացիութիւն ձայն», 1920, N 1։

¹⁰ «Ջանգ», 1919, N 34։

Գյուղացիության գլխին շարիք էին պարհակները, որ նրանք պարտավոր էին կտաարել անձամբ կամ քաշող ուժով: Բոլորովին ձրի կամ համարյա ձրի գյուղացին պարհակի էր բլվում դաշնակցական պետության, զորքի, պաշտոնյաների մոտ: Նրան դաշնակները կտրում էին աշխատանքներից՝ ներառյալ գարնանացանն ու բերքահավաքը և ստիպում իրենց օգտին աշխատել: Այդ պատճառով շատ տեղերում հաճախ կանգ էր առնում գարնանացանը, արևի ու անձրևների տակ փչանում էր բերքը: 1920 թ. հոկտեմբերին էջմիածնից հայտնում էին, որ պարհակ գնացած 100 սալից ոչ մեկը չի վերադարձել, «դաշտային աշխատանքները կանգնել են, անվերջ պահանջներ են օտանում, որ հնարավորություն չկա կատարելու»¹:

Դաշնակների հարկային քաղաքականությունը չէր սահմանափակվում, սակայն, նշված հարկերով ու պարհակներով: Իրականում դաշնակցության ավերի հայկական գյուղում ավելի ուժեղ չափով արտահայտվեց կառավարական բռնագրավումների ու կողոպուտի միջոցով: Գյուղացուն կողոպտում էին դաշնակցական կառավարությունը, նրա վերին և ստորին պաշտոնյաները, կալվածատերերն ու կուլակները: Բռնագրավման ենթակա էր ամեն ինչ՝ սկսած տներից՝ վերացրած հացահատիկով: Բռնագրավումները ոչ թե պատահական, այլ անընդհատ, պետությունը կողմից սահմանված միջոցառումներ էին: 1918—1920 թթ. դաշնակցական կառավարությունը Հայաստանում անցկացրեց տների, անասունների, հացի, բրնձի և մի շարք այլ բռնագրավումներ: Հաճախ բռնագրավվում էր գյուղացու վերջին կովը, ոչխարը կամ քաշող անասունը: «Շատ հաճախ խլում էին այնպիսի մարդկանց ձիերը, որոնք զրկվում են ապրուստի միակ միջոցներից»²:

Բռնագրավումները ուղեկցվում էին աշխատավոր գյուղացիության նկատմամբ զինված ուժի դրածադրումով, ծեծով ու ջարդով: Զինված ջոկատների օգնությամբ դաշնակները ահաբեկման էին ենթարկում գյուղացիներին, նրանց ստիպելով կատարել իրենց պահանջները: 1918 թ. նոյեմբերին Նդվարդից գրում էին, որ «հացահատիկների ստիպողական գրավման համար մեր գյուղը է եկել լիազոր Կարապետ Ալվազյանի տրամադրության տակ մի զորախումբ պուլսմոտներով, որոնք և ղեկավարում են գյուղացիների տները խուզարկելու: Խուզարկությունները կատարվում են առանց գյուղացիական ներկայացուցչի մասնակցության, գրավածի համար ստորագրություն չեն տալիս, գրավում են ինչ իրենց դուր է գալիս— յուղ, թխած հաց... գրավում են աչք տեսած ցորենի ամբողջ պաշարը. երեկ Արամ Մուրադխանյանի տնից տարան ունեցած բոլոր ցորենը: Մուրադխանյանի բնտանիքը բաղկացած է 18 հոգուց, նրանք երեկ ամբողջ օրն ու այսօր սոսկալի հեծկտանք են բարձրացրել, սովամահ չլինելու պատճառով երկուսը դանակով ինքնասպանության փորձ են անում, բայց շուտով հասնում են և թույլ չեն տալիս»³:

Սուրմալուից, Ղուրդուղուից, Ալեքսանդրոպոլի գավառի գյուղերից և այլ վայրերից գյուղացիները անընդհատ բողոքում էին, որ իրենցից բռնի ուժով գրավել են ցորենի վերջին պաշարները, չթողնելով ոչինչ բնտանիքների համար: «Պարենավորման լիազորի կարգադրությամբ,— գրում էին, օրինակ, Ճատղառնից,— պատժիչ խմբի միջոցով խլվեց գյուղացիներից մոտ 60 խավար ցորեն և այսօր ժողովուրդը մոտ երկու հարյուր տուն տառապում են սովից»⁴:

Պատկերն ավելի է վատանում մանավանդ 1920 թ., երբ մայիսի 24-ին դաշնակները օրենք են ընդունում ազգաբնակչությունից հացի պաշարները բռնագրավելու մասին: Այդ օրենքի համաձայն նա, ում մոտ օրենքի հրատարակումից երկու շաբաթ հետո կգտնվեր հացի և ալյուրի «ավելցուկ», ենթարկվելու էր երեք ամսվա բանտարկության և 100 հազար ռուբլի տուգանքի: Առանձին արտոնություն էր տրվում նրանց, ովքեր կառավարությանը կտեղեկացնեին ուրիշների թաքցրած հացի մասին. այդպիսիները ստանալու էին հայտնաբերված հացի կամ ալյուրի արժեքի մեկ քառորդը⁵:

Պետական բռնագրավումներին զուգընթաց աշխատավորներին թալանում էին պաշտոնյաները: Գործակցելով բարձր պաշտոնյաների հետ և նրանց հովանավորությամբ, յուրաքանչյուր շրջանային կամ գյուղական պաշտոնյա բռնության ու ծեծի միջոցով կողոպտում էր աշխատավոր գյուղացուն, տեղորի ենթարկում դիմագրողներին: Այդպիսի պաշտոնյաներին պատժելու մասին խոսելը ավելորդ է: Ընդհակառակը, ով շատ էր հափշտակում, նրա պաշտոնը ավելի

¹ Հայկ. ՍՍՌ ԿՊԱ, ֆ. 214, գ. 51, թ. 192:

² Նույն տեղում, ֆ. 199, գ. 27, թ. 86:

³ «Մշակ», 1918, № 199:

⁴ «Զանգ», 1919, № 8:

⁵ Հայկ. ՍՍՌ ԿՊԱ, ֆ. 214, գ. 20, թ. 23:

կր բարձրանում: Բազմաթիվ դեպքերում անպատիժ էին մնում նույնիսկ մարդասպան պաշտոնյաները: Ըստ դաշնակցական պառլամենտի անդամներից մեկի 1919 թ. օգոստոսի 8-ին արած հայտարարության, Աշտարակի դավառամասային կոմիսարը սպանել էր 11 հոգի և մնացել անպատիժ: Նույն թվականի սեպտեմբերին Նոր Բայազետի գավառի Շահրիզ, Մաղկունք և Գոմաշեն գյուղերի բնակիչները բողոքում էին, որ իրենց գյուղերում կատարվել անարխիա (տիրում) գավառամասի կոմիսար Գարեգին Թաիրյանի պատճառով: «Այդ Գարեգինը կանոնավոր մարդերիստ է,— հայտնում էին նրանք:— Ամեն գյուղից վերցնում է ձրի կերպով երեքական արաբա խոտ: Միլիցիոներներն անարգել կերպով թալանում են գյուղերը, գյուղերը շրջում ամբողջ կոմանդով և նրանց համար պետք է պատրաստ լինի ձրի ամեն ինչ խեղճ գյուղացուց:»

Ո՛ր փախչի գյուղացին: Միլիցիոներին յուրի փոխարեն պանիր տվիր, բանդ վերջացավ, կամ արաբադ պետք է դնա պաղվող, եթե այդ չունես, վրայիդ շալվարը կազյոննի է և այլն: Նաև 23-ին օգոստոսի Գարեգինը Շահրիզ գյուղի իրան նոր նշանակած կոմիսարի հետ, որը, իրեն պես ավաղակի մեկն է՝ Հարութ Վարդանյանի հետ թալանեց ճանապարհ գնացող թուրքերից 23 եզ և կով և ահադին ոչխարներ միասին, հինգ արաբա խալիչաներ և պղնձե ամաններ, տեղաշորեր:

Թալանելուց հետո 24 կին և երեխաներ գիշերով կոտորեցին»:

1920 թ. փետրվարին Ալեքսանդրպոլի մի խումբ բնակիչներ քաղաքի հասարակության անունից հայտնում էին, որ պաշտոնյա Վալադյանը իր զինված մարդկանցով, տաջիկների օրինակով, երեք ամիս է ինչ ծեծում ու ճնշում է Ժողովրդին, թալանում և մեծ չափերի գաշադներ է ընդունում:

Դաշնակների տիրապետության շրջանում բացակայում էր անձի և գույքի անձեռնմխելիությունը: Ամենուրեք վիստում էին ավազակների ու մարդասպանների, գողերի բանդաները: Քրեական հանցագործությունները, որ այդքան մեծ չափեր էին ընդունել, իրենց արմատները գտնում էին դաշնակցական կառավարության սոցիալ-տնտեսական քաղաքականության մեջ, անդիսանում էին տիրապետող կարգերի անխուսափելի պտուղը: Զինված հրոսախմբերը, որը ցերեկով, հարձակվում էին անգլեն ու անօգնական բնակիչների վրա, հափշտակում նրանց գույքն ու ունեցվածքը, իսկ հեշտ հարստանալու շահամոլությամբ բռնկված դաշնակ պաշտոնեությունը, հակահարված տալու փոխարեն, հաճախ գործակցում էր գողերի ու ավազակների հետ և օգտվում գողության ավարից: Գողոնից բաժին էին ստանում գավառապետները, գյուղական կոմիսարները, ոստիկանները: 1919 թ. նոյեմբերին Մեծ Ղարաբաղիստանում գավառական կոմիսարի հովանավորությամբ գողերի խումբը զբաղվում է կողոպտելով բնակչությանը, բայց ոչ գողերն են պատժվում և ոչ էլ գավառական կոմիսարը: Դիլիջանի գավառապետ Մեսրոպ Բեգի մասին դրում էին, որ նա ճավազակ մարդկանց պաշտոններ է տալիս, որ շրջանի անխոնավությունը արդյունք է հենց Մեսրոպ Բեգի բռնած ընթացքի: Այսպես, նա շրջանային կոմիսար է նշանակել Նիկոլ Ղուլիջանյան անունով հայտնի մեկ ավաղակի, որի դեմ բողոքում են բոլոր գյուղացիները:

Մեսրոպ Բեգի եղբայր Արամ Բեգը գեկաւմերերի 6-ին կազմում է 25 հոգուց մի ավաղակախումբ և Քեսալար գյուղից թալանելով 73 գլուխ տավար՝ տանում է Ջալալ-օղլու շրջանի ծախելու»:

Լինում էին դեպքեր, երբ ավազակային հարձակումների հետևանքով գյուղը զրկվում էր իր կովերի նախիրից կամ ոչխարների հոտից: Դարալագյազի Արփա գյուղից հայտնում էին, որ գողերը քշել-տարել են գյուղի 500 գլուխ ոչխարից բաղկացած հոտը: Նոր Բայազետից բողոքում էին, թե 300 հոգուց բաղկացած գողերի զինված խումբը 1919 թ. հոկտեմբերի 17-ին հարձակվել է Վալի-Աղալու գյուղի տավարի և ոչխարի հոտի վրա, սպանել է հովիվներին և տարել բոլոր ոչխարներն ու տավարը: Նույն անապահով վիճակն էր տիրում Հայաստանի մյուս շրջաններում:

¹ «Հայաստանի աշխատավոր», 1919, № 118:

² Հայկ. ՍՍԻ ԿՊԱ, ֆ. 201, գ. 1588, թ. 73—74:

³ «Հառաջ», 1920, № 23:

⁴ Նույն աղբյուր, 1919, № 12:

⁵ Հայկ. ՍՍԻ ԿՊԱ, ֆ. 201, գ. 1585, թ. 87:



Թուրքական օկուպացիայի և դաշնակների հակաաշխատավորական քաղաքականության հետևանքով բաշքաշվեց Հայաստանի բնակչության ապրուստի հիմնական միջոցը՝ գյուղատնտեսությունը։ Իր հիմնական ճյուղերով՝ թե գաղաղարությունը, թե աշխատավորությունը և թե անասնապահությունը գյուղատնտեսությունը լիովին քայքայում ասլրեց։ Համեմատած նախապատերազմյան՝ 1913 թվականի հետ, ավելի քան 3/4-ով կրճատվեցին բոլոր կուլտուրաների ցանքատարածությունները։ Եթե 1913 թվականին Հայաստանի ամբողջ ցանքսը հավասար էր 345,7 հազար հեկտարի, ապա 1919 թվականին այն կազմում էր ընդամենը 82,7 հազ. հեկտար, այսինքն՝ 1913 թ. 23,9 տոկոսը¹։ Նախապատերազմյան համեմատությամբ 4 անգամ կրճատվել էին հացահատիկային կուլտուրաների ցանքատարածությունները²։ Դրությունը ավելի վատ էր տեխնիկական և բանջարաբուստանային կուլտուրաների ցանքսերի հետ։ Եթե 1913 թ. ցանվել էր 15,3 հազ. հեկտար բամբակ, ապա 1919 թ. ցանվել էր 0,6 հազ. հա., իսկ 12,3 հազ. հեկտար բանջարաբուստանային կուլտուրաների և կարտոֆիլի ցանքսի փոխարեն՝ 2,5 հազ. հեկտար³։

Անկում ասլրեց նաև աշխատավորությունը։ 1913 թվականին Հայաստանում հաշվվում էր 9200 հեկտար խաղողի այգի, այնինչ 1919 թվականին մնացել էր 5100 հեկտար, այսինքն ոչնչացել էր 4100 հեկտար այգի⁴։

1918—1920 թթ. ավելի վատթարացավ Հայաստանի գյուղատնտեսության նյութատեխնիկական վիճակը։ Մի կողմից թուրքերի ավերածություններն ու թալանը, իսկ մյուս կողմից դաշնակների հակաժողովրդական գործելակերպը մեծ չափերով ոչնչացրին երկրի արտադրական միջոցները, այդ թվում նաև գյուղատնտեսական գործիքները։ Վերանորոգման բացակայությունը իսպառ շարքից հանեց գյուղատնտեսական գործիքների ճնշող մեծամասնությունը։ Ըողի մշակման հիմնական միջոցը՝ նախնադարյան արքուն ու դուրանը, 1914 թ. համեմատությամբ, պակասեցին— առաջինը՝ 77,7 տոկոսով, իսկ երկրորդը՝ 70 տոկոսով⁵։

Ոլորեցական էր անասնապահության վիճակը։ Բավական է նշել, որ 1914 թ. բոլոր տեսակի անասունների 2.364.733 բնդհանուր գլխաքանակից 1919 թ. մնացել էր ընդամենը 747.643 գլուխ, այսինքն պակասել էր 68,4 տոկոսով⁶։



Գյուղատնտեսության՝ ապրուստի այդ հիմնական միջոցի քայքայումը, որը հետևանք էր թուրքական օկուպացիայի և դաշնակների հակաժողովրդական տիրապետության, առաջ բերեց համրեղհանուր աննկարագրելի մի սով, որն րնդգրկել էր Հայաստանի բոլոր շրջանները։ Ավելի վատթար էր դրությունը թուրքական սարսափներից մազապուրծ դարձած հայ գաղթականության հետ, որը անօթևան ու անտեր սփռվել էր Հայաստանով մեկ։ Սովին ուղեկցել էին տիֆը, խոլերան և համաճարակային այլ հիվանդություններ, որոնց տարածմանը նպաստում էր բժշկա-սանիտարական ամենատարրական պայմանների բացակայությունը։ Սարսափելի չափեր էր ընդունել, մանավանդ, բժավոր տիֆը, որը 1918 թ. վերջերին և 1919 թ. սկզբներին մոլեկոսում է նրեանի, նոր Բայազետի, Էջմիածնի, Իջևանի և Գիլիջանի շրջաններում։ Անդամ դաշնակցական «Հառաջը» շէր կարող թաքցնել, որ «բժավոր տիֆը մոռացնել է սովել մյուս բոլոր հիվանդությունները։ Նա միացած սովի հետ, ուղղակի հնձում է ժողովրդին։ Տներ կան, որ բնտանիքի բոլոր անդամները անխտիր պառկած են։

Այսպես է դրությունը ամբողջ Հայաստանում, և քաղաքներում, և գյուղերում...»⁷։ Հա-

¹ «Соц. строительство Арм.ССР» (1920—1940), Ереван, 1940, էջ 64, աղյուսակ 60։

² Նույն տեղում։

³ Նույն տեղում, էջ 74, աղյուսակ 75։

⁴ Նույն տեղում։

⁵ «Վիճակագրական տեղեկատու», Երևան, 1925, էջ 56—57։

⁶ Նույն տեղում, աղյուսակ № 5։

⁷ «Հառաջ», 1919 (Թիֆլիս), № 17։

մաճարակի հետևանքով շատ գյուղերում «այնքան շատ ժողովուրդ է մահանում, որ նույնիսկ չեն հասցնում թաղել»¹։

Հայ ժողովուրդը կոտորվում էր բառի ամենալայն իմաստով։ Համատարած սովը շատ շրջաններում քաղել էր բնակչության մեծամասնությունը։ Այստեղ ավելի հարմար է խոսել հենց իրենց՝ փաստերի լեզվով։ «Շրջանի բնակչության 65 տոկոսը մեռել է,— 1919 թ. փետրվարի 19-ին գրում էին Սարգարաբաղից,— իսկ մնացած չնչին տոկոսը դժվար թե մի քանի օրվա կյանք ունենա, կամայք են դարձած բառիս բուն իմաստով՝ չեն կարողանում շարժվել։ նույնիսկ խոսել։ Մեռելները շարաթներով մնում են տան մեջ և ենթարկվում են շների պատառտման։ Հաճախ ամբողջ բնանանիքն է մեռնում և հայտնի չի լինում։ Եստեղն էլ ուժ չունենալով մերձավորի դին հեռու տանելու՝ ձգում են կամ ջրհորները և կամ պահում են բամբակի մեջ։ Գեջրու գյուղի գերեզմանատանը ձգված էր 18 դի, որից 8-ը պատառտել էին շները»²։ Աշտարակից տեղեկացնում էին, որ շրջանի 16 գյուղերում սովի հետևանքով մահացել է բնակչության ընդամենը 14-ը³։

Սովորական երևույթ էր դարձել սատկած կենդանիներով սնվելն ու դաշտերում արածելը։ «Եթե ասենք՝ գաշտերում և անտառներում այլևս կանաչ չմնաց լինի պետքական թե անպետք՝ հավատացե՛ք,— գրում էին Մեծ Ղարաքիլիսայից շրջանի վիճակի մասին։— Մի կողմից գաղթականությունը, մյուս կողմից բնիկները օրնիրուն սարերն ընկած՝ թույլ, ուժասպառ, դժգույն ու անձայն խոս ևն քաղում, աղցան անում և ուտում»⁴։ Նույնն էին հաղորդում Ապարանից։ «Ապարանի շրջանում աղղաբնակչությունը դաշտերում փոված արածում է, ուռչում ու մեռնում։ Եստերը փախչում են գավառից, անթաղ թույլներով դիակները դաշտերում և մեծ ճանապարհների վրա»⁵։ Սովի ծանր հարվածներին ենթարկվեցին Թալինի շրջանի բոլոր 8 գյուղերը, որոնց 11.247 բնակիչից սովի ու հիվանդությունների պատճառով 1919 թ. մահացել էր 5307 հոգի, այսինքն ոչնչացել էր բնակչության 52,8 տոկոսը⁶։ Սուրմալուի գավառը 1918 թ. փետրվարից մինչև 1919 թ. մայիսը, այսինքն 15 ամսվա ընթացքում, իր 13.950 բնակչից կորցրել էր 7.950-ը⁷, այսինքն 57 տոկոսից ավելին։ Վաղարշապատում 1918 թ. առաջին չորս ամիսներին հավաքվել էր 1866 անտեր մեռել⁸։

Եվ հիրավի, անհնարին է առանց ստակումի կարգալ 1917—1918 թվականների հայկական մամուլը, որը լեփ-լեցուն է Հայաստանում այն ժամանակ տիրող մղձավանջի նկարագրությունները։ Սահմակցություն էն բոլոր այն նյութերը, որոնք պատմում են սովի ու համաճարակի աղետավոր գործողությունների մասին։ Դարերի խորքից եկող, հազարամյա կուլտուրայի տեր հայ ժողովուրդը կատարյալ կործանման էր ենթարկվում։ Ոտար դահիճը 1915 թվականին բնաջնջել էր նրա արևմտյան հատվածը, իսկ 1918 թվականին ասպատակել նրա արևելյան հատվածում, հասցնելով մարդկային ու նյութական հսկայական վնասներ։ Բսկ գաշնակ «կառավարողները» Հայաստանն անջատելով ռեպրեսիոն Ռուսաստանից, ժողովրդին պատճառում էին նորանոր արհավիրքներ։ Այս ամենը ծայրահեղորեն խորացնում էր երկրի տնտեսական քայքայումը, հասցնելով այն կատարյալ փլուզման։ Դրությունը ավելի սրվեց 1920 թվականի աշնանը, երբ Թուրքիայի հետ տեղի ունեցող պատերազմը նոր աղետների աղբյուր դարձավ։ Եվ հայ ժողովրդի համար ճակատագրական այդ պահին միակ փրկարար ուժը Սովետական իշխանությունն էր, որի հաղթանակն էլ հենց նրան բերեց ոչ միայն ֆիզիկական ապահով գոյություն, այլև՝ ազգային վերածնունդ, սոցիալ-տնտեսական բարգաժաճման լայն նարավորություններ։

¹ Հայկ. ՍՍՌ ԿԹԱ, ֆ. 199, դ. 42, թ. 3։

² Նույն տեղում, ֆ. 205, դ. 338, թ. 187։

³ Նույն տեղում, թ. 264։

⁴ Նույն տեղում, ֆ. 203, դ. 686, թ. 25—28։

⁵ «Կայծ», 1919, № 38։

⁶ «Արարատյան աշխատավոր», 1919, № 10։

⁷ «Կայծ», 1919, № 51։

⁸ «Հայաստանի աշխատավոր», 1919, № 1։

ЗЕМЕЛЬНЫЙ ВОПРОС И ПОЛОЖЕНИЕ КРЕСТЬЯНСТВА АРМЕНИИ В 1917—1920 ГОДАХ

В. А. МИКАЕЛЯН

(Р е з ю м е)

В 1917—1920 гг. аграрный, т. е. земельный, вопрос в Закавказье, в том числе и в Армении, продолжал оставаться нерешенным. В статье, основываясь на изучении земельных законов и положений, принятых Особым Закавказским Комитетом, Закавказским Комиссариатом и Сеймом, равно и националистическим правительством дашнаков, автор приходит к заключению, что за время своего существования все эти органы власти фактически сохраняли помещичье землевладение, способствовали укреплению позиций деревенской буржуазии и рьяно выступали против аграрно-крестьянских движений, подавляя последние как огнем и мечом, так и политикой обмана масс, в особенности путем лживых обещаний.

Характеризуя аграрно-крестьянскую политику дашнакского правительства как политику защиты интересов помещиков и деревенских богачей, автор в связи с этим разоблачает антинародную сущность проведенных дашнаками в 1918—1920 гг. в армянской деревне мероприятий, как-то: так называемый «раздел» земли, создание сельскохозяйственных ложных товариществ, земельные законы, налоговую политику, различные конфискации, проведенные с целью захвата у крестьян продуктов, скота и др.

Особое внимание уделено освещению положения крестьянских масс Армении в изучаемый период. Показаны полная деградация сельского хозяйства и разорение крестьянства, его крайне тяжелое состояние, виновниками которого были как дашнакское правительство, которое своей антисоветской политикой поставило страну на грань пропасти, так и турецкие оккупанты, бесчинствовавшие в Армении и ограбившие ее население.